

**«Կադաստրի տեղեկագիր» (ոչ պաշտոնական հրատարակություն)
ամսագրի պատրաստման և հրատարակման աշխատանքների
պետական գնման պայմանագիր N «ՀՀ ԿԱԱԳԿՊԿ-ԲԱՀԱՇՁԲ-15/10»**

ք. Երևան

«10» փետրվարի 2015թ.

Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի աշխատակազմ պետական կառավարչական հիմնարկը, ի դեմս աշխատակազմի ղեկավար Վ.Հասրաթյանի, որը գործում է Կոմիտեի կանոնադրության հիման վրա (այսուհետ՝ Պատվիրատու), մի կողմից, և «Գեոդեզիա և քարտեզագրություն» ՊՈԱԿ-ը, ի դեմս Կազմակերպության գործադիր տնօրեն Վ.Կարազյոզյանի, որը գործում է Կազմակերպության կանոնադրության հիման վրա (այսուհետ՝ Կապալառու), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է «Կադաստրի տեղեկագիր» (ոչ պաշտոնական հրատարակություն) ամսագրի պատրաստման և հրատարակման աշխատանքների կատարման պարտավորությունը (այսուհետև՝ Աշխատանք)՝ համաձայն սույն պայմանագրի անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Աշխատանքը կատարվում է սույն պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և կատարման ժամկետ է սահմանվում մինչև 25.12.2015թ.-ը: Սույն պայմանագրի պայմանները տարածվում են 2015 թվականի հունվարի 12-ից կատարված աշխատանքների վրա:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից կատարվող Աշխատանքի ընթացքը և որակը՝ առանց միջամտելու Կատարողի գործունեությանը.

2.1.2 Եթե կատարվել է սույն պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Աշխատանք.

ա) Չընդունել Աշխատանքը՝ իր հայեցողությամբ սահմանելով անպատշաճ որակի Աշխատանքը սույն պայմանագրին համապատասխանող Աշխատանքով անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել սույն պայմանագիրը կատարելուց և պահանջել վերադարձնելու Աշխատանքի համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) կատարված Աշխատանքը չի համապատասխանում սույն պայմանագրի N 1 հավելվածով սահմանված պահանջներին,

բ) խախտվել է Աշխատանքի կատարման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան կատարված Աշխատանքի արդյունքը, իսկ Աշխատանքի արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Աշխատանքի արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Սույն պայմանագրի N 1 հավելվածով սահմանված պայմաններով ապահովել Աշխատանքի կատարումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության (այսուհետ՝ արձանագրություն) ստորագրմամբ:

Կատարողը Աշխատանքի կատարման ավարտից 5 աշխատանքային օրվա ընթացքում Պատվիրատուին է հանձնում կատարված Աշխատանքի մասին իր կողմից ստորագրված հանձնման-ընդունման արձանագրության 4 օրինակ (Հավելված N 3):

3.2 Արձանագրությունն ստորագրվում է, եթե կատարված Աշխատանքը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից 10-օրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Աշխատանքը չընդունելու պատճառաբանված մերժումը:

4. ՊԱՅՄԱՆԱԳՐԻ ԳԻՆԸ

4.1 Սույն պայմանագրով Կատարողի կատարման ենթակա Աշխատանքի ընդհանուր գինը կազմում է 996000 (ինը հարյուր իննսունվեց հազար) ՀՀ դրամ, ներառյալ ԱԱՀ-ն: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Աշխատանքի կատարման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն կատարված Աշխատանքի դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա N 2 հավելվածով՝ վճարման ժամանակացույցով նախատեսված ամսում, (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 քանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Աշխատանքի դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 2015թ. դեկտեմբերի 25-ը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Աշխատանքի կատարման՝ սույն պայմանագրի պահանջների պահպանման համար:

5.2 Սույն պայմանագրի N1 հավելվածում նշված Տեխնիկական բնութագիր-գնման ժամանակացույցին չհամապատասխանող Աշխատանք կատարելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Սույն պայմանագրով նախատեսված Աշխատանքի կատարման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ կատարման ենթակա, սակայն չկատարված Աշխատանքի գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Աշխատանքը կատարելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Այն դեպքում, երբ «Գնումների մասին» ՀՀ օրենքով նախատեսված կարգով գնումների մասին Հայաստանի Հանրապետության օրենսդրության պահանջների կատարման նկատմամբ հսկողության և (կամ) վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ Կատարողին հաղթող ճանաչելու (ընտրելու) մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ Կատարողը պարտավոր է Հայաստանի Հանրապետության օրենսդրությամբ սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝

1) Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

ՏԵԽՆԻԿԱԿԱՆ ԲՆՈՒԹԱԳԻՐ-ԳՆՄԱՆ ԺԱՄԱՆԱԿԱՑՈՒՅՑ
«Կադաստրի տեղեկագիր» (ոչ պաշտոնական հրատարակություն)
ամսագրի պատրաստման և հրատարակման աշխատանքների

Հայաստանի Հանրապետության կառավարության 23 հուլիսի 2003թ. N 937- Ն որոշման և ՀՀ կառավարությանն առընթեր անշարժ գույքի կադաստրի պետական կոմիտեի կանոնադրության 8-րդ կետի ի/ ենթակետի համաձայն նախատեսվում է «Կադաստրի տեղեկագիր» /ոչ պաշտոնական հրատարակություն/ ամսագրի տպագրում:

Նախատեսվում է «Կադաստրի տեղեկագիր» /ոչ պաշտոնական հրատարակություն/ ամսագրի տարեկան կտրվածքով ամիսը մեկ անգամ տպագրում 100 օրինակ տպաքանակով: Կադաստրի տեղեկագրում զետեղվում են օրենսդրական ակտեր /ՀՀ օրենքներ, ՀՀ կառավարության որոշումներ, ՀՀ նախագահի հրամանագրեր, ՀՀ վարչապետի որոշումներ, ՀՀ անշարժ գույքի կադաստրի պետական կոմիտեի նախագահի հրամաններ, կարգադրություններ/, հոդվածներ՝ պատրաստված համակարգի մասնագետների կողմից, ամսեկան, եռամսյակային և տարեկան շուկայական վերլուծություններ, եռամսյակային, տարեկան հաշվետվություններ, տեղեկություններ կոմիտեի կողմից տրված որակավորված անձերի մասին, անշարժ գույքի ոլորտին առընչվող այլ կարևոր հրապարակումներ, ինչպես նաև տեղեկատվություն կոմիտեի կողմից իրականացվող նպատակային ծրագրերի վերաբերյալ:

Նյութերը պատվիրատուի կողմից ներկայացվում են կատարողին ամեն ամսվա մինչև 25-ը:

Կատարողը ամսագրի հրատարակվող նյութերը, ստուգում և մուտքագրում է համակարգիչ, սրբագրում և ձևավորում է տպագրության համար անհրաժեշտ ֆորմատով: Յուրաքանչյուր ամսվա տպագրական նյութերը, մոտ 80 տպագրական էջի սահմաններում թղթային և էլեկտրոնային կրիչներով, մինչև տվյալ ամսվա 30-ը հանձնում է կադաստրի տեղեկագրի խմբագրական խորհուրդ:

Տեղեկագրի խմբագրական խորհուրդը համարի նյութերը 5-օրյա ժամկետում քննարկում է և հաստատում: Խմբագրական խորհրդի կողմից չհաստատվելու դեպքում նյութերը վերադարձնում են կատարողին վերանայման: Նյութերի վերանայման ժամկետը չպետք է գերազանցի 3 աշխատանքային օրը:

Տեղեկագրի միջուկի մեկ էջի երկկողմանի տպագրման անհրաժեշտ է օֆսեթային 80 գ/քմ տեսակի և 70X106/ 16 չափսերի թուղթ, իսկ տեղեկագրի կազմի տպագրության համար անհրաժեշտ է կավճապատ 201-350 գ/քմ 70X106/ 16 չափսեր թուղթ, կազմի տպագրությունը գույնավոր: Տպագրական աշխատանքների ընդհանուր ծավալը պետք է կազմի 5 տպագրական մամուլ:


«Կադաստրի տեղեկագիր» /ոչ պաշտոնական հրատարակություն/ ամսագրի յուրաքանչյուր համարը մինչև հաջորդող ամսվա 20-ը հանձնվում է պատվիրատուին:

Աշխատանքի կատարման ժամկետը	
աշխատանքների կատարումը սկսվել է	ավարտը
12.01.2015թ.	25.12.2015թ.


Գնման ժամանակացույց
«Կադաստրի տեղեկագիր» (ոչ պաշտոնական հրատարակություն)
ամսագրի պատրաստման և հրատարակման աշխատանքների

N	Անվանումը	Չափման միավորը	Միավորի արժեքը ՀՀ դրամ	Նախատեսվում է գնել 2015 թվականի ընթացքում, ընդ որում՝								Ընդամենը ՀՀ դրամ	
				1-ին եռ.		2-րդ եռ.		3-րդ եռ.		4-րդ եռ.			
				քանակ	գումար	քանակ	գումար	քանակ	գումար	քանակ	գումար	քանակ	գումար
1	2	3	4	5	6	7	8	9	10	11	12	13	14
1	«Կադաստրի տեղեկագիր» (ոչ պաշտոնական հրատարակություն) ամսագրի պատրաստման և հրատարակման աշխատանքներ	հատ	830	300	249000	300	249000	300	249000	300	249000	1200	996000

Պ ա տ վ ի Ր ա տ ու

ՀՀ կառ. առընթեր ԱԳԿՊ կոմիտե
 Հասցեն ք.Երևան, Արշակունյաց7
 հ/հ 900013220042
 ՀՀ ՖՆ գործարանական վարչություն
 ՀՎՀՀ 02534328
 Աշխատակազմի
 ղեկավար՝  Վ. Հասարայան
 (ստորագրություն) Վ.Ս.

Կ ա տ ա Ր ո Ղ

«Գեոդեզիա և քարտեզագրություն» ՊՈԱԿ
 ք. Երևան, Կոմիտաս 35/2
 «Արդշինինվեստբանկ» ՓԲԸ Արարկիր մ/6
 Հ/Հ 247120034787
 ՀՎՀՀ 00113126
 Գործադիր տնօրեն՝  Վ. Կարապետյան
 (ստորագրություն) Վ.Ս.

Հավելված թիվ 2
 թիվ «ՀՀ ԿԱԱԳԿՊԿ-ԲԸԱՀԱՇՁԲ-15/10»
 գնման պայմանագրի

Վ Ճ Ա Ր Մ Ա Ն Ժ Ա Մ Ա Ն Ա Կ Ա Ց Ո Ւ Յ Ց *

«Կադաստրի տեղեկագիր» (ոչ պաշտոնական հրատարակություն)
 ամսագրի պատրաստման և հրատարակման աշխատանքների

N	Աշխատանքների անվանումը	Ֆինանսավորման գումարը 2015թ. ՀՀ պետական բյուջեով նախատեսված միջոցներից ըստ ամիսների, ընդ որում՝											
		փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը /հազ. դրամ/
1	2	3	4	5	6	7	8	9	10	11	12	13	14
1	«Կադաստրի տեղեկագիր» (ոչ պաշտոնական հրատարակություն) ամսագրի պատրաստման և հրատարակման աշխատանքներ	249 0	249.0	498.0	498 0	498.0	747.0	747.0	747.0	996.0	996.0	996.0	996.0

*գումարները ներկայացված են աճողական կարգով

Պ ա տ վ ի թ ա տ ու

ՀՀ կառ. առընթեր ԱԳԿՊ կոմիտե
 Հասցեն ք.Երևան, Արշակունյաց 7
 հ/հ 900013220042
 ՀՀ ՖՆ գործառնական վարչություն
 ՀՎՀՀ 02534328
 Աշխատակազմի
 ղեկավար _____ Վ. Հասրաթյան
 /ստորագրություն/
 Կ.Տ.

Կ ա տ ա թ ո ղ

«Գեոդեզիա և քարտեզագրություն» ՊՈԱԿ
 ք. Երևան, Կոմիտաս 35/2
 «Արդշինինվեստբանկ» ՓԲԸ Արաբկիր մ/ճ
 Հ/Հ 247120034787
 ՀՎՀՀ 00113126
 Գործադիր տնօրեն՝
 _____ Վ.
 Կարագյոզյան՝
 (ստորագրություն)
 Կ.Տ.

Կատարող

Պատվիրատու

**ԱՐՁԱՆԱԳՐՈՒԹՅՈՒՆ N
ՀԱՆՁՆՄԱՆ-ԸՆԴՈՒՆՄԱՆ**

<< >> 2015թ.

Պայմանագրի անվանումը՝

Պայմանագրի կնքման ամսաթիվը՝

Պայմանագրի համարը՝ «ՀՀ ԿԱԱԳԿՊԿ-ԲԸԱՀԱՇՁԲ-15/10»

Պատվիրատուն՝ ի դեմս պատասխանատու ստորաբաժանման ղեկավար՝ _____ և Կատարողը՝ ի դեմս ՊՈԱԿ-ի գործադիր տնօրեն _____, հիմք ընդունելով, որ պայմանագրով նախատեսված՝ ստորև նշված աշխատանքները, մատակարարումները և ծառայությունները (այսուհետև՝ աշխատանքներ) համապատասխանում են պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Կատարողը _____ ընկած ժամանակահատվածում իրականացրել է հետևյալ աշխատանքները.

Գնման առարկայի անվանումը	Գնման առարկայի քանակական ցուցանիշը	Աշխատանքների կատարման ժամկետը	Վճարման ենթակա գումարը (հազար դրամ)	Վճարման ժամկետը (ըստ ժամանակացույցի)
Ամբողջը՝				

Վերոհիշյալ աշխատանքների կատարման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Աշխատանքը հանձնեց

Աշխատանքը ընդունեց

ստորագրություն

ստորագրություն

Կ.Տ.

ստորագրություն
Կ.Տ.